



SOALAN LAZIM PROGRAM ASASI KOLEJ MARA (KM)

1. Apakah itu Program Asasi Kolej MARA?

Program Asasi Kolej MARA adalah merupakan program peringkat persediaan / pra universiti bagi lepasan Sijil Pelajaran Malaysia (SPM) 2022. Pelajar lepasan program ini akan ditawarkan pinjaman pelajaran MARA berbentuk **Pinjaman Boleh Ubah mengikut syarat kelayakan yang ditetapkan oleh MARA.**

2. Bagaimanakah cara untuk saya memohon Program Asasi Kolej MARA?

Permohonan kemasukan ke Program Asasi Kolej MARA boleh dibuat secara dalam talian melalui portal MARA di alamat <http://www.mara.gov.my> dan juga portal Unit Pusat Institusi MARA (UPIM) di alamat <https://hi-edu.my/>. Pemohon hendaklah mendaftar sebagai pengguna baharu terlebih dahulu sebelum mengisi permohonan. Pemohon juga dikehendaki untuk membaca dan memahami garis panduan dan iklan kemasukan yang disediakan sebelum membuat permohonan.

3. Bilakah permohonan Program Asasi Kolej MARA akan dibuka?

Permohonan dibuka bermula 03 April 2023 hingga 30 Jun 2023.

4. Apakah syarat umum untuk memohon Program Asasi Kolej MARA?

Syarat kelayakan kemasukan ke Program Asasi Kolej MARA adalah seperti berikut :

- 4.1 **Pemohon DAN salah seorang ibu ATAU bapa adalah warganegara Malaysia dan berstatus Bumiputera;**

- 4.2 Pemohon menduduki peperiksaan Sijil Pelajaran Malaysia (SPM) bagi tahun 2022 buat kali pertama.
- 4.3 Ibu atau bapa **TIDAK DISENARAI HITAM** oleh MARA atau sedang dalam tindakan undang-undang oleh pihak MARA.
- 4.4 Pemohon tidak menerima bantuan kewangan dan tajaan dari mana-mana badan penaja atau agensi untuk pengajian dan peringkat yang sama.

5. **Apakah syarat kelayakan akademik untuk melayakkan saya ditawarkan Program Asasi Kolej MARA?**

Pemohon mestilah memperolehi keputusan sebenar Sijil Pelajaran Malaysia (SPM) 2022 dengan gred sekurang-kurangnya :

- 5.1 **Dua (2) A-** bagi subjek Bahasa Melayu & Matematik;
- 5.2 **Lima (5) B** bagi subjek yang mengikut kepada pengkhususan program. Perincian syarat kelayakan penawaran Program Asasi Kolej MARA boleh dirujuk dalam senarai pengkhususan program semasa permohonan dibuka.
- 5.3 **Lulus** subjek Sejarah.

6. **Selain daripada syarat kelayakan akademik, adakah Ujian Psikometrik akan dilaksanakan bagi pemilihan penawaran Program Asasi Kolej MARA?**

Tiada Ujian Psikometrik akan dilaksanakan bagi pemilihan penawaran Program Asasi Kolej MARA.

7. **Sekiranya saya tidak memenuhi syarat kelayakan permohonan Program Asasi Kolej MARA yang ditetapkan, tetapi saya ingin mencuba untuk memohon, adakah dibenarkan?**

Pemohon tidak dihalang daripada membuat permohonan namun dinasihatkan untuk menyemak syarat kelayakan terlebih dahulu. Hanya pemohon yang memenuhi syarat kelayakan sahaja akan dipertimbangkan untuk ditawarkan Program Asasi Kolej MARA.

8. Keputusan peperiksaan Sijil Pelajaran Malaysia (SPM) 2022 masih belum diumumkan secara rasmi. Bagaimana saya dapat membuat permohonan Program Asasi Kolej MARA?

Pemohon boleh mendaftar dan mengisi maklumat peribadi, ayah / ibu / penjaga terlebih dahulu dan klik butang Simpan untuk menyimpan maklumat awal. Pemohon perlu mengemaskini maklumat gred Subjek SPM di dalam Sistem permohonan UPIM (SPUPIM) selepas keputusan rasmi SPM diumumkan oleh Kementerian Pendidikan Malaysia sebelum tarikh tutup permohonan pada 30 Jun 2023.

9. Keputusan peperiksaan SPM saya tidak melepasi syarat kelayakan akademik untuk Program Asasi Kolej MARA. Bolehkah keputusan peperiksaan percubaan SPM saya digunakan untuk penawaran?

Tidak boleh. Penawaran Program Asasi Kolej MARA hanya tertakluk kepada keputusan sebenar peperiksaan SPM 2022.

10. Saya mendapat keputusan 2A-, 5B dan Lulus subjek Sejarah pada peperiksaan Sijil Pelajaran Malaysia tahun 2021. Bolehkah saya memohon?

Tidak boleh. Permohonan hanya dibuka kepada pelajar yang telah menduduki peperiksaan Sijil Pelajaran Malaysia (SPM) tahun 2022 buat kali pertama sahaja.

11. Bolehkah saya menggunakan keputusan peperiksaan IGCSE atau peperiksaan lain yang setaraf untuk memohon Program Asasi Kolej MARA?

Tidak boleh. Hanya keputusan peperiksaan Sijil Pelajaran Malaysia (SPM) sahaja yang akan diguna pakai sebagai syarat kelayakan akademik Program Asasi Kolej MARA.

12. Apakah keistimewaan Program Asasi Kolej MARA?

Pelajar yang ditawarkan pengajian Program Asasi Kolej MARA mempunyai keistimewaan seperti berikut :

12.1 Yuran pengajian (*tuition fee*) adalah ditanggung oleh MARA.

12.2 Penginapan disediakan oleh MARA tanpa dikenakan bayaran.

- 12.3 Hanya yuran pendaftaran, yuran semester, yuran Koperasi & yuran Muafakat dikenakan dengan jumlah yang berpatutan.
- 12.4 Pelajar diberi Elaun Sara Hidup (ESH) sepanjang pengajian.
- 12.5 Makan minum disediakan kepada pelajar lima (5) kali sehari di Dewan Selera tanpa dikenakan bayaran.
- 12.6 Bayaran semula tiket penerbangan Kelas Ekonomi bagi pelajar Sabah / Sarawak / Labuan akan dibayar selepas pelajar mendaftar dan setelah pelajar menamatkan pengajian di kolej.
- 12.7 Pelajar ditawarkan pinjaman pelajaran MARA dengan syarat telah mencapai Purata Nilai Gred Kumulatif (PNGK) 3.00 selepas menamatkan pengajian.
- 12.8 Pelajar dijamin tempat pengajian di institusi pengajian tinggi yang telah dipilih oleh pelajar.

13. Berapa kalikah pengambilan pelajar Program Asasi Kolej MARA dibuat?

Pengambilan pelajar hanya dilaksanakan sekali setahun.

14. Apakah pengkhususan program yang ditawarkan dalam pengajian Asasi Kolej MARA?

Program Asasi Kolej MARA yang dilaksanakan sepanjang 2 semester dalam tempoh 1 tahun pengajian ini merangkumi jurusan seperti berikut :

- 14.1 Asasi Kejuruteraan & Teknologi
- 14.2 Asasi Sains
- 14.3 Asasi Perniagaan

15. Adakah bidang yang boleh ditawarkan pada pengajian peringkat Ijazah Sarjana Muda melalui program Asasi Kolej MARA?

Sila rujuk pautan berikut untuk maklumat lanjut berkaitan program pengajian peringkat ijazah yang ditawarkan: <https://hi-edu.my/permohonan-km-2023/>

16. Adakah Pinjaman Boleh Ubah saya boleh ditukar sepenuhnya kepada penajaan Biasiswa?

Tidak boleh. Tiada pertukaran sepenuhnya daripada Pinjaman Boleh Ubah kepada Biasiswa. Kadar bayaran balik pinjaman pelajar adalah tertakluk kepada prestasi akademik peminjam setelah tamat pengajian.

17. Apakah yang dimaksudkan dengan Pinjaman Boleh Ubah?

Pinjaman Boleh Ubah bermaksud keseluruhan pinjaman pelajaran yang diterima oleh pelajar boleh dipertimbangkan untuk pengurangan bayaran balik berdasarkan kepada pencapaian prestasi akademik pelajar setelah tamat pengajian. Ianya tertakluk kepada dasar semasa yang ditetapkan.

18. Adakah saya perlu menghantar cetakan borang permohonan atau apa-apa dokumen selepas membuat permohonan?

Tidak perlu. Pemohon hanya perlu mencetak slip pengesahan permohonan setelah selesai mengemaskini maklumat keputusan Sijil Pelajaran Malaysia (SPM) 2022 untuk tujuan rujukan pemohon.

19. Bilakah saya boleh membuat semakan keputusan Program Asasi Kolej MARA?

Semakan keputusan Program Asasi Kolej MARA dijangka boleh dibuat bermula 07 Julai 2023 selepas jam 3:00 petang.

20. Setelah saya menamatkan pengajian Ijazah Sarjana Muda, apakah yang sepatutnya saya lakukan?

Pemohon perlu melaporkan diri kepada Bahagian Penganjuran Pelajaran MARA dengan mengemukakan Ijazah serta Transkrip rasmi.

Pemohon seterusnya boleh membuat permohonan pengurangan bayaran balik secara atas talian kepada Bahagian Kawalan Kredit MARA melalui laman sesawang Sistem Permohonan

Pengurangan Bayaran Balik Pinjaman Pelajaran MARA di alamat <https://econversion.mara.gov.my/>.

21. Bagaimanakah cara sekiranya saya ingin membuat semakan baki jumlah pinjaman pelajaran MARA?

Semakan baki jumlah pinjaman pelajaran MARA boleh dibuat secara dalam talian melalui Sistem E-Baki di alamat <https://apps.mara.gov.my/ebakiv2/>

22. Apakah Kadar Bayaran Balik Pinjaman Boleh Ubah MARA?

KADAR BAYARAN BALIK PINJAMAN PELAJARAN MARA MULAI TAWARAN 1 JANUARI 2011

BIL	PERINGKAT PENGAJIAN/KURSUS	TAHAP PENCAPAIAN	KADAR BAYARAN BALIK	
			DALAM NEGARA	LUAR NEGARA
1	Pra Universiti	Lulus/Gagal	0%	0%
		Menarik Diri	100%	100%
2	Diploma dan HND	CGPA 3.50 – CGPA 4.00	15%	Tiada Tajaan Luar Negara
		CGPA 3.00 – CGPA 3.49	20%	
		< CGPA 3.00	25%	
		Tambahan Masa	50%	
		Gagal Akademik	100%	
3	Diploma Kemahiran (SKM)	Lulus/Terampil	25%	
		Tambahan Masa	50%	
		Gagal Akademik	100%	
4	Ijazah Sarjana Muda	CGPA 3.50 – CGPA 4.00 atau diiktiraf Kelas Pertama oleh universiti berkenaan	15%	10%
		Kelas Kedua Tinggi atau CGPA 3.00 – CGPA 3.49	20%	15%
		Kelas Kedua Rendah atau CGPA 2.50 – CGPA 2.99	25%	20% tertakluk pada siling RM150,000.00
		Kelas Ketiga & Ijazah Am (GD) atau CGPA 2.00 – CGPA 2.49		
		Tambahan Masa	50%	50%
Gagal Akademik	100%	100%		
5	Ijazah Sarjana Muda Perubatan	Lulus	20% tertakluk pada siling RM150,000.00	
		Tambahan Masa	50%	
		Gagal Akademik	100%	
6	Sarjana (Kerja Kursus/Penyelidikan)	Lulus	25%	20% tertakluk pada siling RM150,000.00
		Tambahan Masa	50%	50%
		Gagal Akademik	100%	100%
7	Ijazah Kedoktoran	Lulus	25%	20% tertakluk pada siling RM150,000.00
		Tambahan Masa	50%	50%
		Gagal Akademik	100%	100%
8	Profesional /Sub-Profesional (Diiktiraf oleh Badan Profesional dalam bidang berkaitan)	Lulus	25%	20% tertakluk pada siling RM150,000.00
		Tambahan Masa	50%	50%
		Gagal Akademik	100%	100%
9	Penerbangan/Pilot	Lulus	100%	100%
		Tambahan Masa	50% daripada tambahan peruntukan	50% daripada tambahan peruntukan
		Gagal Akademik	100%	100%

**Nota: Tertakluk kepada perubahan*

23. Bagaimanakah cara untuk saya menghubungi Unit Pusat Institusi MARA (UPIM), Bahagian Pendidikan Tinggi (BPT) sekiranya ada sebarang pertanyaan?

Sebarang pertanyaan dan maklumat lanjut boleh menghubungi talian seperti berikut:

Unit Pengambilan, Bahagian Pendidikan Tinggi MARA,
Tingkat 12, Bangunan Ibu Pejabat MARA,
Jalan MARA, 50609 Kuala Lumpur.

Telefon : 03-26134074 / 34075 / 34076 / 34077 / 34081
Emel : upim.bpt@mara.gov.my
Fb / Twitter / Telegram / Instagram /
Tiktok : Hi Edu MARA
Portal UPIM : <https://hi-edu.my/>
WhatsApp : +6011-58521184

WAKTU URUSAN		
HARI	Isnin hingga Khamis	Jumaat
MASA	9.00 pagi – 1.00 tengah hari	9.00 pagi – 12.15 tengah hari
REHAT	1.00 tengah hari – 2.00 petang	12.15 tengah hari – 2.45 petang
MASA	2.00 petang – 4.30 petang	2.45 petang – 4.30 petang
TUTUP PADA SABTU, AHAD DAN CUTI KELEPASAN AM		